



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Name of School : T.W.G.Hs. LO KON TING MEMORIAL COLLEGE

學校名稱 : 東華三院盧幹庭紀念中學

Name of Play 劇名 : 我們的那些年

Script writer 劇作者 : 陳仕文 (校外導師)

Synopsis 故事大綱 :

陳杰回首中一時暗戀的故事，從相識相知至錯過和可惜。透過那些年的片段重整，杰重新認識自己，對自己有新的看法。而這暗戀的小故事，令杰再一次成長和向前再出發。相信每一個人都有他那些年的回憶，也成為他們不可磨滅的印記……



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

序

(音樂響起。一班學生匆匆走過，有的追逐，有的聊天……一種學生時代輕鬆悠然的氣氛。一會，陳杰慢慢步進，好像有點失落的樣子。)

張怡 : (場外) 陳杰! (進場)

陳杰 : (轉身，溫柔地) 點呀?

張怡 : 我地…重係朋友呀呵?

陳杰 : 係…點會唔係呀。

張怡 : ……多謝你。

陳杰 : 快啲【讀啲】行啦，唔係要睇【讀睇】五點場咩?

張怡 : 係啲，同親你一齊都唔記得時間嘅。

陳杰 : ……人地等緊你咖。

張怡 : 嗯，拜拜。

(張怡轉身離去。陳杰望著她遠去，然後傷感地朝觀眾方向遠望，慢慢垂低了頭，行到台中的位置。)

群眾 : (對觀眾) 失戀!

陳杰 : 係表白失敗!(眾離去，對觀眾) 戀都未戀過，叫乜野失戀喇你話? 係呀，你地無聽錯: 未戀過。哩個係我初戀……唔係，未戀，係第一次表白，就失敗，原因係: 遲徂。

(王子樹進場，到台左方面向觀眾，沒有望著陳杰，但他們是對話的。)

王子 : (向觀眾) 算吧啦，擺明佢係留條後路畀自己。

陳杰 : (對觀眾) 王子樹，我死黨之一。因為我嘅關係，大家都叫會佢王子。當然，佢梗係無《智勝鮮師》個王子佬【讀咁】靚仔啦。

(杜小敏進場，到台右方面向觀眾，沒有望著陳杰，但他們是對話的。)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

小敏：（向觀眾）唔駛傷心喎，好女仔大把啦！

陳杰：（對觀眾）杜小敏，我死黨之二。佢同我同王子雖然唔係成日喺學校度痴住玩，但係我地最深交，感情最好，我地之間可以話係無秘密。

（李凱欣與馬芷君進場，到台上方面向觀眾，沒有望著陳杰，但他們是對話的。張怡和劉少邦也分別於兩邊進場，在舞台下方，於陳杰的一左一右停下對望，甜絲絲的。）

芷君：聽講張怡同劉少一齊徂【讀左】呀！

凱欣：我知啦，重要好似係劉少主動同佢表白添咖。

陳杰：（對觀眾）馬芷君，李凱欣。我地級出徂名嘅八掛精，男仔堆都會簡稱叫佢地八婆。當然，唔會兜口兜面恁叫佢地啦。（回望張怡）

（張怡甜蜜的笑著低頭。）

陳杰：（對觀眾）張怡，我表白嘅對象……劉少邦，高我地兩級讀中五嘅師兄，因為屋企有尖錢，大家就幫佢改徂個花名叫「劉少」，亦即係向我嘅表白對象表白成功嘅，情敵……

（劉少邦向張怡申出手，張怡含情默默地走過去拖著他的手，二人慢步離去。其他人也開始逐漸離去。而杜小敏和王子樹則走到陳杰身旁。）

王子：（拍拍陳杰的肩膀）女死女還在。我阿哥成日都恁講咖。

小敏：或者你掙【讀搵】其他野分散下自己嘅注意力啦，反正升中四之後都唔同班囉……唔好諗恁多喇。

（杜小敏和王子樹也慢慢離去。）

陳杰：（對觀眾）哩個先係最大嘅打擊，中三嘅最後一日，終於鼓起勇氣去表白……最想入嘅班入唔倒，好想同佢一齊嘅人又睇住佢同第二個人一齊……唔知恁係咪叫雙失呢？

王&敏：都叫你唔好諗恁多囉！！

陳杰：……話唔恁就唔諗咩！！

群眾：掙尖野做囉！唉！（所有人開始四散）



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

陳杰： 捫心野做……好！（所有人停下，回望陳杰）既然我成個腦都只係掛住佢，我就寫一個關於我地嘅故事，將我地過去哩幾年嘅初中生活記低……之後再送畀佢，就算佢唔係同我一齊，都希望佢會記得我地嘅一切一切。

眾女一： （普通話）超浪漫喔～

王子： 你可唔可以收聲呢？人地感性緊咖嘛。

群眾： 咪就係！

眾女一： Sorry 囉。

陳杰： 唔該澌【讀哂】王子。（王子報以一個心照的動作）

小敏： 佢個故仔叫咩名呀？

陳杰： ……《我們的那些年》。

（胡夏《那些年》音樂響起。眾人同時在舞台上穿插，一幅校園人來人往的畫面。）